

Zaihasrim b. Mohd Dawal

From: Unit Komunikasi Korporat
Sent: Thursday, July 6, 2017 8:35 AM
To: UUM - All Staff; UUM - All Students
Subject: UUM-UiTM Tawar Program Ijazah Berganda Pertama



Unit Komunikasi Korporat
CORPORATE COMMUNICATION UNIT

Universiti Utara Malaysia

06 JULAI 2017 / 12 SYAWAL 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Hairul Nizam Zahari

UUM-UiTM TAWAR PROGRAM IJAZAH BERGANDA PERTAMA



UUM ONLINE: Selangor - Pemeteraian Memorandum Persefahaman (MoU) antara UUM dan Universiti Teknologi MARA (UiTM) telah melengkapkan hasrat kedua universiti untuk menawarkan program ijazah berganda pada sesi kemasukan pelajar baharu nanti.

Majlis pemeteraian itu menyaksikan Naib Canselor, Prof Dato' Seri Dr Mohamed Mustafa Ishak dan Naib Canselor UiTM, Prof Emeritus Dato' Dr Hassan Said menandatangani dokumen MoU tersebut di Canseleri Tuanku Syed Sirajuddin di UiTM Shah Alam, semalam.

Perkongsian sinergi kedua universiti itu menerusi Pusat Pengajian Psikologi Gunaan, Dasar dan Kerja Sosial (SAPSP), UUM dan Akademik Pengajian Islam Kontemporari (ACIS), UiTM bukan sahaja melibatkan program ijazah berganda, malah program mobiliti pelajar dan pensyarah, penganjaran seminar bersama serta penyelidikan dan penerbitan bersama.

Naib Canselor berkata, kolaborasi UUM dan UiTM itu memberi makna yang besar kepada universiti awam negara khususnya pelajar di atas kesepakatan kedua universiti menghasilkan program ijazah berganda.

"Penawaran program ijazah berganda bagi program Sarjana Muda Kaunseling (UUM) dan Sarjana Muda Muamalat (UiTM) ini akan bermula pada sesi kemasukan baharu September nanti.

"Program 'double degree' itu adalah program pertama yang ditawarkan bagi kedua universiti ini dengan tempoh pengajian ditetapkan dan secara tidak langsung akan memberi peluang kepada pelajar untuk mendalami kedua-dua bidang yang mana ia dapat dilihat sebagai nilai tambah kepada pengetahuan dan kemahiran pelajar," ujarnya.

Tambahnya, beliau yakin kerjasama antara UUM dan UiTM boleh mengejutkan ramai pihak dengan hasil gabungan kekuatan yang dimiliki kedua universiti itu.

"Perkongsian sinergi ini boleh diusahakan melalui pemindahan pengetahuan dan kepakaran yang ada antara kedua universiti, secara tidak langsung mampu memaksimumkan perkongsian sumber sedia ada.

"Saya berharap kolaborasi ini akan diperkembangkan juga termasuk pusat pengajian lain," ujarnya.

Sementara itu, Naib Canselor UiTM berkata, kerjasama akademik antara UiTM dan UUM telah melakar sejarah dalam institut pengajian tinggi (IPT) negara.

Kata beliau, program mobiliti dengan universiti tempatan amat digalakkan bagi menunjukkan keupayaan dan usaha menjayakan kerjasama pintar di Malaysia.

"Saya berharap lebih banyak lagi kerjasama seperti ini akan dijalankan antara kedua universiti ini dan secara tidak langsung memberikan satu pengalaman kepada pelajar khususnya.

"Selain itu, MoU ini juga diharap menjadi titik permulaan untuk kerjasama pada masa hadapan," katanya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.